

Eletti 3 di Zonta dil Conseio di X, in luogo di sier Andrea Foscarini, a chi Dio perdoni, sier Domenego Trivixan el cavalier, procurator è cazado, e sier Alvise Bon è intrado consier.

- † Sier Alvise Moeenigo el cavalier, fo savio dil Conseio, qu. sier Tomà, tolto per sier Zuan Francesco Morexini, consier 1172. 303
- Sier Gasparo Contarini, fu savio pel Conseio, qu. sier Alvise, tolto per sier Nicolò Bernardo, qu. sier Piero 869. 570
- Sier Nicolò Tiepolo, dottor, fo cao del Conseio di X, qu. sier Francesco, tolto per sier Lorenzo Bragadin, consier 747. 770
- Sier Polo Donado, fo consier qu. sier Piero, tolto per sier Gabriel Moro el cavalier, consier 775. 686
- Sier Michiel el censor, qu. sier Zuan Mattio, tolto per sier Alvise Gradenigo, qu. sier Domenego, cavalier 444.1032
- † Sier Sebastian Justinian el cavalier, savio del Conseio, qu. sier Marin, tolto per sier Piero Lando, qu. Zuane 1019. 403
- Sier Priamo da Leze, fo capitano a Padoa qu. sier Hironimo, tolto per sier Pandolfo Morexini, qu. sier Hironimo 621. 893
- Sier Domenego Contarini, fo savio del Conseio, qu. sier Mafio, tolto per sier Nicolò Venier, cao di X. 790. 642
- Sier Antonio da Mula, fo consier, qu. sier Polo, tolto per sier Alvise Bon, el consier. 744. 738
- † Sier Marco Minio, fo savio del Conseio, qu. sier Bortolomio, tolto per sier Zuan Alvise Duodo, consier 938. 557
- Sier Polo Valaresso, fo cao dil Conseio di X, qu. sier Ferigo, tolto per sier Zuan Moro, qu. sier Damian 422.1098
- Sier Francesco Longo, fo al luogo di procuratori, qu. sier Francesco, tolto per sier Lunardo Emo, qu. sier Zuane, cavalier. 485.1045

Sier Francesco da Leze, fo provedador al sal, qu. sier Alvise, tolto per sier Pietro Boldù, qu. sier Lunardo 404.1120

Fu fatto per eletion del Conseio di X in luogo di sier Pandolfo Moresini è intrà Savio del Conseio, sier Marco Barbarigo fo capitano a Verona, qu. sier Andrea, qu. Serenissimo, qual vene triplo. Ave: 967, 486.

Item, fu fatto capitano a Vicenza sier Lodovico Michiel fo proveditor a Cival di Friul, fo di sier Piero, et altre 7 voxe, tra le qual dil Conseio di XL zivil vechio et rimase sier Zuan Antonio Valier fo camerlengo a Brexa qu. sier Valerio, qual vene triplo, che fo cosa notanda, che mai più XL stravacante, un fosse tolto triplo.

A dì 10. La matina introe sier Francesco Pasqualigo stato proveditor di l'armada, vestito di veludo cremexin, et referite poco, remettendosi al clarissimo zeneral, nè poi altramente referite in Pregadi.

Vene in Collegio l'orator cesareo et parlò zerca restituir li beni in visentina al conte Lunardo Nogarola, dando li soi danari a chi li comproe che fo il qu. sier Zuan Pixani qu. sier Vettor, et li costò ducati milia. Il Serenissimo disse queste è gran cose di far, *tamen* li Savi la conseiaria.

Fo fatto la relation in Collegio con li cai di X, per Zuan Jacomo Caroldo secretario del Conseio di X, stato eri al monastero del *Corpus Domini* per saper la voluntà loro zerca elezer di novo la priora, fò di elezer al modo loro 30, e al modo di constitution di frati 19, sichè preso di elezer al modo loro, fo balotà alcune, zoè la Loredana et Faliara, perchè la Capella il vicario non voleva fosse balotà, et niuna passoe. *Unde* fo terminà a persuader ditto vicario lassi balotar *etiam* la Capella, è contento, et cussi questa sera la ditta sarà electa, et ditto vicario la confermarà, come ha promesso di far. Et fu fatta la Capella.

Da poi disnar fu Pregadi per far la relation del capitano zeneral di mar, qual vene iu Pregadi. Fo prima letto le lettere, per Antonio Mozaruol secretario, quelle da mar, et Nicolò di Gabrielli, quelle da terra.

Da poi sier Vincenzo Capello, venuto capitano zeneral di mar andò in renga et fè la sua relatione sempre con la bareta in man, fo molto longa et copiosa: Come era stato fuori mexi 7, zorni 13,